

Kenapa Dinasti Lim membisu mengenai hukum hudud?
Free Malaysia Today
7 April 2014
Oleh FMT Staff

PETALING JAYA: Bekas Pengerusi DAP, Karpal Singh tegas dengan pendiriannya menentang hukum hudud yang mengatakan Kerajaan Kelantan tidak boleh melaksanakan hukum hudu.

Namun Penasihat DAP, Lim Kit Siang dan Setiausaha Agung DAP, Lim Guan Eng masih membisu dan tidak menunjukkan pendirian tentang pelaksanaan hukum hudud di negeri Kelantan.

Setiausaha Pemuda MCA, Leong Kim Soon berkata, pelaksanaan undang-undang Hukum Jenayah Syariah (2) Enakmen 1993 mungkin akan menjejaskan norma masyarakat bukan Islam di negeri tersebut

Sehubungan itu katanya, langkah berdiam diri yang diambil oleh Kit Siang dan Guan Eng dilihat sebagai ahli politik yang tidak tetap pendirian.

Menurutnya, kebisuan yang berlaku adalah disebabkan ingin menjaga hubungan baik kedua parti Pas dan DAP.

“Jika DAP sebuah parti politik yang bertanggungjawab, pemimpinnya akan bersuara demi rakyat dan membela kehidupan bangsa yang bukan beragama Islam di negeri Kelantan.

“Pelaksanaan hukum undang-undang ini akan memberi kesan yang mendalam kepada penduduk bukan Islam di negeri itu,” katanya dalam satu kenyataan media.

Menurutnya lagi, Ahli Parlimen Bukit Gelugor, Karpal Singh turut menyifatkan pelaksanaan hukum hudud di Kelantan adalah tidak relevan.

“Itu adalah kenyataan peribadi dari Karpal Singh, Lim Kit Siang dan Lim Guan Eng harus bersuara demi rakyat dan teguhkan prinsip dalam menolak pelaksanaan hukum hudud ini,” katanya lagi.

Copyright © 2013 – Free Malaysia Today

Source: <http://www.freemalaysiatoday.com/category/nation/2014/04/07/kenapa-dinasti-lim-membisu-mengenai-hukum-hudud/>